

Kabinet putuskan Program Subsidi Petrol tidak diteruskan buat masa ini

Astro Awani | 📅 Disember 30, 2019 14:47 MYT



Keputusan yang dibuat pada 18 Disember lalu adalah bagi memberi ruang penerangan dan penjelasan kepada rakyat. - Gambar fail BERNAMA

KUALA LUMPUR: Kabinet memutuskan supaya pelaksanaan Program Subsidi Petrol (PSP) tidak diteruskan sehingga ditentukan kelak.

Menteri Perdagangan Dalam Negeri dan Hal Ehwal Pengguna, Datuk Seri Saifuddin Nasution Ismail berkata, keputusan yang dibuat pada 18 Disember lalu itu bagi memberi ruang penerangan dan penjelasan kepada rakyat.

"Sesi penerangan dan penjelasan diteruskan dengan tujuan memberi kefahaman dan mempersiapkan rakyat menerima pelaksanaan program PSP ini.

"Ia termasuk memberi ruang untuk proses pendaftaran penerima daripada kelompok M40 yang akan dikendalikan oleh Kementerian Kewangan," kata beliau dalam kenyataan pada Isnin.

Jelas kenyataan itu lagi, sementara menunggu pengesahan pelaksanaan PSP diumumkan, rakyat akan terus menikmati harga petrol berdasarkan sistem sedia ada.



**PENGUMUMAN
PENANGGUHAN PROGRAM SUBSIDI PETROL**

Kerajaan pada 7 Oktober 2019 telah mengumumkan pelaksanaan Program Subsidi Petrol (PSP) bermula Januari 2020 sesuai dengan manifesto Pakatan Harapan.

Kerajaan memperuntukkan RM 2.4 billion bagi PSP dalam Belanjawan 2020 dengan jumlah penerima manfaat seramai 8 juta orang daripada kelompok B40 dan M40.

Mesyuarat Kabinet pada 18 Disember 2019 telah memutuskan bahawa pelaksanaan PSP yang dijadualkan bermula Januari 2020 **tidak diteruskan** sehingga satu masa yang akan diumumkan kemudian.

Hal ini bagi memberi ruang untuk:

1. Sesi penerangan dan penjelasan diteruskan dengan tujuan memberi kefahaman dan mempersiapkan rakyat menerima pelaksanaan program PSP ini.
2. Proses pendaftaran penerima daripada kelompok M40 yang akan dikendalikan oleh Kementerian Kewangan.

Sementara menunggu pengesahan pelaksanaan PSP diumumkan, rakyat akan terus menikmati harga petrol berdasarkan sistem sedia ada.

Sekian, terima kasih.

Datuk Seri Saifuddin Nasution bin Ismail
Menteri Perdagangan Dalam Negeri dan Hal Ehwal Pengguna

30 Disember 2019

Kabinet memutuskan supaya pelaksanaan Program Subsidi Petrol (PSP) tidak diteruskan sehingga satu masa diumumkan kemudian. - Foto KPDNHEP

Kerajaan pada 7 Oktober lalu telah mengumumkan pelaksanaan PSP bermula Januari 2020 seiring manifesto Pakatan Harapan.

Sejumlah RM2.4 bilion diperuntukkan Kerajaan bagi pelaksanaan PSP menerusi Belanjawan 2020 dengan jumlah penerima manfaat seramai lapan juta orang daripada kelompok B40 dan M40.